



Broj:05-11-45861/24
Sarajevo,03.10.2024.godine

Na osnovu Izmjene i dopune Kantonalnog plana zaštite okoliša, tačke 7. Akcionog plana za period 2021. – 2025. godine („Službene novine Kantona Sarajevo“, broj 21/21), Zaključka Vlade Kantona Sarajevo broj 02-04-38911-21/24 od 08.08.2024. godine i Odluke o usvajanju Izmjena Programa utroška sredstava tekućih i kapitalnih transfera Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za 2024. godinu utvrđenih Budžetom Kantona Sarajevo za 2024. godinu usvojenom od strane Vlade Kantona Sarajevo dana 26.09.2024. godine, Ministar komunalne privrede, infrastrukture, prostornog uređenja, građenja i zaštite okoliša o b j a v l j u j e:

**JAVNI POZIV ZA
FINANSIJSKU PODRŠKU TAXI PREVOZNICIMA
PRI KUPOVINI ELEKTRIČNIH VOZILA ZA 2024. GODINU**

I PREDMET JAVNOG POZIVA

Predmet Javnog poziva je prikupljanje zahtjeva za odabir korisnika sredstava, u skladu Odlukom o usvajanju Izmjena Programa utroška sredstava tekućih i kapitalnih transfera Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za 2024. godinu utvrđenih Budžetom Kantona Sarajevo za 2024.godinu “Poticaj taxi prevozniciima pri kupovini električnih vozila“ (u daljem tekstu: Program).

II CILJ / SVRHA DODJELE SREDSTAVA

Cilj ovog Javnog poziva je unapređenje zaštite zraka kroz smanjenje štetnih emisija koje negativno utiču na zdravlje stanovništva u Kantonu Sarajevo kroz poticaj kupovine i upotrebe električnih automobila u Kantonu Sarajevo, putem finansijske podrške taxi prevozniciima za kupovinu električnih vozila, registrovanih u Kantonu Sarajevo, koji imaju:

- isključivo električni pogon,
- koriste dva izvora energije - električni motor i motor sa unutrašnjim sagorijevanjem (plug-in hybrid)
- vozila koja koriste motor sa unutrašnjim sagorijevanjem i elektro motor (fullhybrid).



Pod novim automobilom, smatra se putničko vozilo koje nije bilo u upotrebi i nikada nigdje nije bilo registrovano, bez obzira na godinu proizvodnje.

Automobili za koje se dodjeljuju subvencije su putnička vozila sa najviše 5 mjesta za sjedenje, uključujući i sjedište vozača (1+4) (u daljem tekstu: vozila).

Tehnički uslovi za prihvatljiva nova vozila:

1. Električna vozila sa emisijom CO₂ 0 g/km
2. Hibridna električna „plug-in hybrid“ vozila sa emisijom CO₂ manje od 50 g/km
3. Hibridna vozila „full hybrid“ vozila sa emisijama CO₂ najviše 130 g/km²

III PRAVO UČEŠĆA I KRITERIJI ZA IZBOR KORISNIKA

Pravo učešća na Javnom pozivu imaju sva pravna lica i fizička lica koja su registrovana za obavljanje djelatnosti taxi prevoza na području Kantona Sarajevo, koja uz zahtjev dostave obaveznu dokumentaciju u skladu sa ovim Javnim pozivom.

Visina iznosa koji se dodjeljuje kao finansijski poticaj taxi prevoznicima određuje se prema sljedećoj metodologiji:

- Električna vozila (I kategorija) u maksimalnom iznosu do 15.000,00 KM
- Hibridna električna „plug-in hybrid“ vozila (II kategorija) u maksimalnom iznosu do 12.000,00 KM
- Hibridna „full hybrid“ vozila (III kategorija) u maksimalnom iznosu do 10.000,00 KM

Pored maksimalne visine iznosa kojeg aplikant može ostvariti u okviru Javnog poziva, konačna visina iznosa odobrenih sredstava će se odobravati na osnovu Europske ekološke norme motornih vozila u odnosu na kupovnu cijenu novog vozila po računici kako slijedi:

I KATEGORIJA		II KATEGORIJA		III KATEGORIJA	
Staro vozilo ¹ (norma)	Novo vozilo ² (%)	Staro vozilo (norma)	Novo vozilo (%)	Staro vozilo (norma)	Novo vozilo (%)
Euro 3	30	Euro 3	25	Euro 3	23
Euro 4	25	Euro 4	20	Euro 4	18
Euro 5	20	Euro 5	15	Euro 5	13
Euro 6	15	Euro 6	10	Euro 6	8

1. Starim vozilom se smatra ono vozilo koje aplikant posjeduje i koje je određene Europske ekološke norme,
2. Pod novim vozilom se smatra novo električno vozilo prema prethodno navedenim kategorijama, a procenat predstavlja procentualnu vrijednost koju aplikant može da ostvari u odnosu na iznos novog električnog vozila (sa PDV-om) putem kojeg se određuje konačna visina iznosa odobrenih sredstava.

Ukoliko prema obračunu vrijednost finansijskih sredstava pređe maksimalni iznos definisan po kategorijama, korisniku se odobrava maksimalni odobreni iznos definisan u Javnom pozivu po kategorijama električnih vozila.

Primjer 1: Ukoliko aplikant posjeduje staro vozilo Euro 4 norme, a nabavlja vozilo iz I kategorije električnih vozila, kojeg je platio 60.000,00 KM konačna visina iznosa odobrenih sredstava iznosi 15.000,00 KM



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax:+ 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

Finansijska sredstva pravnim i fizičkim licima mogu se dodijeliti za kupovinu, odnosno registraciju samo jednog vozila za taxi prevoznike koji imaju registrovan obrt, odnosno maksimalno tri vozila za taxi firme.

IV SREDSTVA PREDVIĐENA ZA DODJELU

Finansijska sredstva predviđena za dodjelu po ovom Programu, čine sredstva planirana Budžetom Kantona Sarajevu za 2024. godinu („Službene novine Kantona Sarajevo“, broj: 55/23) i Odlukom o usvajanju Izmjena Programa utroška sredstava tekućih i kapitalnih transfera Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za 2024. godinu utvrđenih Budžetom Kantona Sarajevo za 2024. godinu u iznosu od 500.000,00 KM.

V TRAJANJE JAVNOG POZIVA

Javni poziv je otvoren od dana objave u „Službenim novinama Federacije BiH“, najdalje do 31.12.2024. godine (Ministarstvo će razmatrati zahtjeve zaprimljene zaključno sa navedenim datumom) ili do utroška finansijskih sredstava u iznosu od 500.000,00 KM, u zavisnosti od toga koji uslov prije nastupi.

Podnosioci čiji su zahtjevi odbijeni u toku trajanja ovoga Javnog poziva, zbog određenih nedostataka, mogu ponovo podnijeti zahtjev za dodjelu finansijskih sredstava.

VI PROVOĐENJE PROGRAMA I JAVNOG POZIVA

Zahtjev za prijavu na Javni poziv, potencijalni korisnici finansijskih sredstava trebaju dostaviti uz slijedeću dokumentaciju:

1. Zahtjev za dodjelu finansijskih sredstava za kupovinu električnih vozila (preuzet sa web stranice Ministarstva www.mkipgo.ks.gov.ba),
2. Ovjerenu kopiju registracije kojom se dokazuje da je podnosilac zahtjeva registrovan za obavljanje poslova taxi prevoza (licencu D),
3. Predugovor, predračun, faktura odnosno vjerodostojan dokaz za kupoprodaju motornog vozila sa tehničkim karakteristikama iz kojih je jasno vidljiva kategorija, proizvođač, tip, model, vrsta goriva, izvor snage i emisija CO₂ (ovjerena kopija) između potencijalnog korisnika prava ovog Javnog poziva i ovlaštenog prodavca automobila,
4. Potvrda o trenutnoj registraciji sadašnjeg vozila na ime podnosioca zahtjeva za vozilo, izdato od strane nadležnog MUP-a KS za 2024. godinu - (ovjerena kopija potvrde o registraciji vozila ne starija od tri mjeseca),
5. Izjavu, potpisanu od strane podnosioca zahtjeva, koja se može preuzeti na web stranici Ministarstva (www.mkipgo.ks.gov.ba) kojom se podnosilac obavezuje da će vozilo za koje je dobilo finansijsku podršku zadržati u vlasništvu najmanje 3 (tri) godine,



VII UPUTE ZA PRIPREMU DOKUMENTACIJE I NAČIN ODABIRA KORISNIKA

Kriteriji za izbor taksi prijevoznika pri kupovini električnih vozila je ispravno dostavljena dokumentacija.

Napomena: Na osnovu javnog poziva, ne može biti izabran: a) taksi prijevoznik kojem je u proteklih godinu dana oduzeta dopunska taksi oznaka;

Za provođenje postupka podsticaja prevoznicima pri kupovini električnih vozila putem javnog poziva ministar Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: ministar):

(1) imenuje Komisiju koju sačinjava 3 člana u daljem tekstu (Komisija).

(2) Komisija zasjeda jednom mjesešno i rješava po zahtjevima pristiglim do dana zasjedanja, te vrši bodovanje taksi prijevoznika koji ispunjavaju uslove iz javnog poziva i sačinjava preliminarnu rang listu.

(3) Nepotpune i ne blagovremene zahtjeve Komisije iz tačke (1) poglavlja obavještava o nedostacima.

(4) Ministarstvo na prijedlog Komisije na svojoj web stranici objavljuje preliminarnu rang listu podnosioca iz stava (2).

(5) Na objavljenu rang listu podnosioci zahtjeva mogu podnijeti prigovor Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo roku od osam dana od dana objavljivanja rang liste.

(6) Ministar će formirati posebnu Komisiju koja će rješavati po eventualno dostavljenim prigovorima iz stava (5) ovog člana u roku od 15 dana od dana njegovog podnošenja i nakon toga Ministarstvo utvrđuje i objavljuje konačnu rang listu

Postupak dodjele finansijskih sredstava predstavlja sveobuhvatni postupak odabira zahtjeva za dodjelu sredstava i sastoji se od sljedećih faza:

- zaprimanje zahtjeva
- administrativna provjera ispravnosti dostavljene dokumentacije
- prijedlog odluke o dodjeli finansijskih sredstava dostavlja se Vladi Kantona Sarajevo na odlučivanje i objavljuje u „Službenim novinama Kantona Sarajevo“ kao i na web stranici Ministarstva.

Potpisivanje ugovora o dodjeli finansijskih sredstava i prenos novčanih sredstava vrši Ministarstvo. Neuspješni podnosioci zahtjeva za dodjelu finansijskih sredstava će biti obaviješteni u pisanom obliku, uz navode razloga za odbijanje.

VIII KANDIDOVANJE PO JAVNOM POZIVU

Pismeni zahtjev za dodjelu finansijskih sredstava, sa ostalom potrebnom dokumentacijom po Javnom pozivu, poredanom po tačkama Javnog poziva, podnosi se Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo.

Podnosilac po predmetnom Javnom pozivu za dodjelu finansijskih sredstava može podnijeti, u toku važeće budžetske godine, više od jednog zahtjeva, samo ukoliko mu po prethodnom zahtjevu nisu odobrena finansijskih sredstva.

Postupak dodjele obuhvata razdoblje od predaje zahtjeva do donošenja konačne odluke o predmetnom zahtjevu.

Podnosilac zahtjeva ne može podnijeti više zahtjeva istovremeno, po ovom Javnom pozivu.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax:+ 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

IX PREDAJA ZAHTJEVA

Zahtjevi za dodjelu finansijskih sredstava, sa odgovarajućom dokumentacijom iz poglavlja VII Javnog poziva, dostavljaju se preporučeno poštom ili lično u zatvorenoj, neprovidnoj koverti na adresu: Reisa Džemaludna Čauševića br. 1, 71000 Sarajevo, s naznakom: Ne otvarati – po Javnom pozivu za “Poticaj taxi prevoznicima pri kupovini električnih vozila“.

Na poleđini koverta, obavezno navesti ime, adresu i kontakt telefon.

Podnosilac zahtjeva može izmijeniti ili povući svoj zahtjev u roku od 7 dana od dana podnošenja zahtjeva, ministarstvo o tome mora biti obaviješteno u pisanoj formi. Izmjena ili povlačenje zahtjeva mora biti izvršena u skladu sa ovim poglavljem. Osim toga, na koverti u kojoj se nalazi obavještenje o izmjeni ili povlačenju zahtjeva treba pisati „IZMJENA ZAHTJEVA“ ili „POVLAČENJE ZAHTJEVA“. Povrat dokumentacije se vrši isključivo na pismeni zahtjev podnosioca. Sve odluke se objavljuju u „Službenim novinama kantona Sarajevo“ i na službenoj web stranici Ministarstva. Ovaj poziv ostaje otvoren do utroška sredstava ili do 01.12.2024. godine.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax:+ 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

